



竹居詩集序

竹居詩集海虞士王公之所作也公為人博雅莊敬
幼有大志生值元季知時之不可為乃閉戶讀書好
與高人逸士遊山水間於登高望遠覽物適情之際
發於歌詩以自遣無雕琢浮靡之習有渾厚澁雅之
氣當時名公無不慕之惜乎藁有所不存其嗣子惠
吉深慨之每聞鄉之人傳誦輒手錄之間於舊篋得
其一二遂彙編成集名曰竹居詩集命予友孟孚張
君徵予言題其端予惟元盛時若虞楊范揭諸公以



宏才碩學居製作之任其文章功業咸著於時由其
得所遇也至廉夫楊公季迪高公輩其文章功業亦
足以施於時者也然韜光晦蹟屏居於吳松江上嘯
傲烟月以詩自豪陵轍古今磅礴宇宙不以廊廟為
榮江湖為戚由其不得所遇也予知竹居道者其文
章功業雖不得與虞公輩見諸於用而詩文之著幸
得其賢嗣搜輯所遺彙編成帙為家藏之珍深足以
傳諸悠久又豈有憾哉公諱珙字廷珪竹居道者乃
號也遂為序

宣德元年春二月吉旦
翰林侍講吳郡王 書

竹居詩集序

詩未易言也因其詩之美惡可以知其心之邪正

因其心之邪正可以知其政之得失此周之盛時

所以有采詩之官以觀民風以知治道也後之言

詩者反是不原其性情而論其工拙是求芳華於

無根之樹責層瀾於無源之水奚得哉海虞王處

士廷珪生於勝國之季有厭亂思治之心鬱於中

久矣一旦遭值入墨客竹居詩集序其不平

聖明治生富贍構幽居於深竹之中詠歌其情思凡

聖為詩若干首題為竹居詩集率皆和平之語
治世之音豈效騷人墨客抑鬱悲淒以自吐其不平
者哉故詩以忠厚和平為主工苦乃其餘事耳可
與知道者言未易以口舌爭也嘗讀周南采芣之
詩殊無意味聖人列為正風者豈以家室和平婦
人無事相與采芣苢而樂不效鄭之溱洧男女相
譁采芍藥以為贈耶由此觀之詩豈易言哉詩豈
易言哉予以詩文為職業至於老而後得之故曰
竹居詩序洞發以告觀者毋忽

宣德元年六月之望

行在翰林院脩撰承務郎同修

國史邑人張洪序

竹居詩集序

古人評詩以氣別之者有四曰臺閣曰山林曰脂粉
曰蔬筍臺閣者肥濃之氣也山林者清爽之氣也脂
粉者艷麗之氣也蔬筍者澹泊之氣也如唐人天門
日射黃金榜春殿晴分赤羽旗此臺閣氣也山花山
雨相兼落溪水溪雲一樣閒此山林氣也舞回楊柳
樓心月歌罷桃花扇底風此脂粉氣也竹筍乍生黃
犢角蕨芽初長小兒拳此蔬筍氣也有臺閣氣者便
覺其馳騁於富貴間有驕泰狀有山林氣者便知其

安土樂天不以富貴累其心有操守狀有脂粉氣者
便知其依紅倚綠華飾冶容有風月狀有蔬筍氣者
便知其不貪脂韋有隨分狀非其義也非其道也而
為之豈理也哉竹居先生則不然先生賦性曠達閒
居靜處之時博覽群書會古今於一息集萬物於一
理不馳騁於要路不韜光於幽僻不脩邊幅以癖艷
麗不味肥濃以遠澹泊觀其所作如送鈕大叅省親
詩云拜闕擬承新雨露入官應振舊文章此非胷中
有臺閣氣者不能也題陶行之菊軒云清標不作繁

華態幽色甘陪隱逸情此非胸中有山林氣者不能
也如花下醉扶明月夜樽前歌唱美人樓此非有脂
粉氣者不能也又如香糯旋炊日釀酒新蔬謾摘為
煨薑此非有蔬筍氣者不能也噫有諸中者必刑諸
外先生器不欲顯而聲自顯矣夫詩者心之聲志者
心之所之也聲存於心發於心聲成文謂之音響
清麗在於言歌詠之間足以見先生隱居以求其志
行義以達其道襟度之大性情之正從是而見之矣
可不敬乎

宣德二年季春中吉

賜進士前監察御史豫章范敬先序

重刊竹居詩集序

竹居詩一帙五七言律七言絕總若干首海虞處士王君廷珪所作也君當元季騷擾弗寧厥居迨國朝平定海宇民物阜康廼卜居於虞山直北之蕭溪植竹萬竿日容與其中興之所至輒形諸吟詠悠然自適泊然無營而子惠吉能幹父蠱家業益昌大君以是益得超然物外與世相忘心安而性靜神閒而氣舒故其詩和平典雅質不近於俚澹不流於枯未嘗追琢其全藻繪其飾以求驚世駭

俗而山林隱逸之趣田野游觀之樂隱然見於摹
寫間嗚呼是可以觀世變矣古之陳詩者於以驗
風俗之盛衰考政治之得失竹居詩作於洪武永
樂間謂非涵泳太平至治之澤而能發於言如是
乎詩大序云治世之音安以樂其政和吾於是
以知世道之泰矣廷珪之曾孫仲申登進士第官
工部主事得君遺稿將鈔梓以圖不泯徵言弁諸
端夫先祖有美而弗傳是不仁也予故為序而傳
之

正德六年歲次辛未仲夏望日

賜進士出身資政大夫禮部尚書前翰林學士南京

國子祭酒吏部尚書

經筵講官兼

東宮講讀官

國史會典副總裁同邑李傑序

竹居詩集

五言

登維摩寺

國子助教郡人張

信

校正

不辭山路遠
暇日訪僧家
石徑難通馬
春林未見花
飛泉風外響
返照嶺頭斜
寺僻無兼味
延賓只煮茶
涼生景物幽
禾稼喜登秋
雨順田疇足
民間耒耜休
飯香人共樂
母飽子無憂
野老朝來問
牀頭酒可篋

秋夜
雲淨天如洗
夜涼秋氣清
書堂燈可近
客舍夢難成
月下誰家杵
樓頭何處笙
井梧層葉底
絡緯有新聲
萬里暮雲收
長空總是秋
風聲斜透戶
山色半侵樓
白鴈啼寒切
黃花浥露幽
曉來乘興出
詩思豁吟眸

寄伯初原上人

聞道山居好
山居果避喧
鳥啼春在樹
竹潤雨臨軒
籬下眠黃犬
牕前聽白猿
耳清塵不到
何必問桃源

次張助教山行韻

乘暇遊山寺
崎嶇馬不前
叢林多勝地
絕頂少人烟
花發巖前樹
風迴石罅泉
杯餘盤薄久
落日暮雲邊

贈月舟明上人

雲淨天心白
良宵與晝同
舟橫無際海
人在廣寒宮
夜靜龍歸鉢
秋清月滿篷
莫嫌西渡遠
努力一篙功

夏日書懷

一室從吾嬾
蕭然白晝閒
買書曾入市
訪友特登山
富貴心無欲
炎涼事不關
可憐湖海客
頭白未知還

當貴以無次計蒙正春山韻
春山久不到芳草自芊芊
幽徑莓苔合長松薜荔纏
好花無翫客積雨有流泉
舊日登臨處回頭一悵然
喜晴
連宵梅雨足雲澹午風涼
溪暖魚苗出泥融燕子忙
陰成槐幄密濕透筍簪長
池館延清晝閒焚柏子香

次詠蜻蜓韻

紛紛任化生長日遶空庭
四翼生綃薄雙睛碧玉明
點波齊上下驚雨亂縱橫
只恐秋風起淒涼不見形

對雨

長日倦行役條然獨愛眠
閉門情默默憂稼意惓惓
對景無新興吟詩欠好聯
雨多加濕嗽頻服化痰圓

雜燕

小燕初離乳梁間試學飛
一身無定穩兩翼有參差
習語聲猶澁衝風力尚微
不知王謝宅難認舊巢歸

遣懷

破曉廉纖雨涼生一枕風
讀書無倦客憂稼有疲農
坐飲陳佳果行吟對好峯
枕琴渾不寐月色滿蒼穹

坐於剎寺夜雨
三月今宵盡光陰若箭催送春
一夕雨立夏數聲雷
斷夢應難續愁懷不易開
空塔多點滴俱入枕邊來
皆語
和蒙菴韓公望登山韻
秋日登山晚松林起紫烟
重來未有日一見不知年
荒寺惟存蹟懸崖尚拂泉
老僧茶話久靜坐樂心田

樓景無條晚步

信步東郊外扶筇度夕陽
遠溪分燕尾小路曲羊腸
山寺茶烟澹田家麥餌香
暮林無過客黃犬卧離傍

久雨

梅天久雨飛山塢
筍芽肥溪漲魚翻尺
芹香燕濕衣
綠多千樹暗紅少
百花稀何得風晴日
籃輿上翠微

新竹

雨後初翻籜晴梢葉漸稠
清陰分藥圃翠色近書樓
月似淇園夜風如渭水秋
悠然相對處清興勝王猷
熱日
林竹水漲
南北渾無路東西不碍舟
一聲漁笛起吹徹楚天秋
觸處水悠悠聞登江上樓
瀾漫吞遠漢沿蕩混群流

南北無初夏即事
痰嗽莫能痊
光陰苟自延
齒疎嫌肉脯
興減嬾詩篇
終日稀行樂
從春半起眠
不知門外景
草色已芊芊

七言

題舅曹叔銘烏撒歸卷

自別隨營幾度愁
天南地北兩悠悠
江山去國一萬里
夫婦還鄉十七秋
幸喜到家詩滿軸
相看驚我雪盈頭
從今莫作蠻夷夢
共守佳城土一丘

次春晴韻

東風澹蕩景和明
處處樓臺列管笙
香徑迷紅雙蛺蝶
晴林啼綠兩鶻鷂
出城駿馬嘶金勒
當戶竒峰列翠屏
春色無邊題不盡
閒將一二寄吟情

寄倪子銘

故人憶別數年間
白髮相催各鬢斑
風雨幾番吟不就
湖山兩隔會多難
愁來路遠人應遠
老去身閒心未閒
何日草堂同一醉
高歌細酌共怡顏

山居寫懷

流光催我鬢垂斑
喜際明時老此山
有客願陪花徑去
無官賴得草堂閒
三杯綠酒書牕下
一枕清風翠竹間
遶屋腴田麻麥遍
杳無榮辱兩相關

春日郊行

傍柳隨花過小川
風光澹蕩嫩晴天
停鞭問路誰家馬
載酒出城何處船
山色對開分野景
鳥聲相喚說春妍
偷閒信步東郊外
不是尋芳學少年

述懷

倏忽光陰六十秋
芳情猶憶少年遊
爭馳綠駟誇身便
賽嚼青梅決齒柔
花下醉扶明月夜
樽前歌唱美人樓
當時行樂成春夢
贏得蕭蕭雪滿頭

次不寐韻

長夜迢迢不寐韻
幾番家夢做難成
樓頭畫角吹霜

落庭下清砧搗月明詩思遣懷無好句蛩聲到耳有
離情十年多少心間事化作秋霜髮際生

入對當朝次顯上人韻

一湖半浸淨無瑕遠屋閒鷗睡暖沙群牧騎晴歸蓼
岬扁舟唱晚入漁家老郎換酒經霜蟹少婦扳罾帶
子蝦水色山光觀不盡隔江誰唱後庭花

春賦俞闋湖光山色軒

智士兼仁樂有餘臨流卜築傍山居翠屏映戶春光
媚素練當軒月色虛半夜歌聲來枕簟一林嵐氣潤

琴書往來那得紅塵客長伴漁樵意自如

長安山秋晴晚眺

宿雨終收景物佳滿眸晴色際天涯上方樓閣中霄
見大地山河一帶賒幾樹早霜紅橘柚半汀殘照老
蒹葭我來獨愛楓林晚囑付兒童謾引車

孤山田家樂

山郭烟村遠市朝樂然耕織喜無徭提壺買酒投新
店騎犢謳歌過野橋襍濕披村外兩桔槔聲響晚
來潮喜將租賦輸官足邀共隣翁醉一瓢

來陳喜沙村田即事
數家茆屋傍湖濱
蒲柳環堤水護村
潮漲有風牢繫艇
日長無客自扃門
漁歌隔岸聲相和
蛙鼓連天耳厭聞
薄暮烹鮮供晚酌
陶然醉卧月黃昏

來晴望
宿雨終收春便佳
碧天如洗淨無瑕
狂歌香徑尋芳客
高揭晴帘賣酒家
熠燿金梭鶯擲柳
聯翩玉拍蝶
尋花江山入詠堪
圖畫倚遍南樓望
眼賒

客中苦雨

昏霾連日雨如麻
愁煞南行路更賒
萬里雲山秋滿眼
一聲寒鴈客思家
瞿塘水急難拖縴
界首泥深莫駕車
別館淒涼不成寐
寒牕幾夜卜燈花

遊興福寺有感

不到叢林二十年
路迷石塔草芊芊
殘碑剝落前朝山
古墓荒涼後代田
山鳥有情猶喚客
澗橋無水莫通船
穿雲匍匐歸來晚
城下人家起暮烟

和山僧幽居韻

鑿石編茅境自偏
不隨流俗處喧聞
惟嫌噪晚投林

鳥可愛攀蘿獻果猿禮佛焚脩心入定拈花打坐林
長圓何時借得禪房共剪燭西牕話昔緣

夏日山居

山房六月不知炎遠屋長松蔭翠簾萬玉敲風巖竹
密半山分雨碧峯尖汲泉煮茗塵心淨掃石眠雲午
夢恬自笑紛々名利客驅馳頭白尚無厭

秋夜

暑往涼來歲月流澄澄玉宇澹雲收一天金氣渾如
水萬壑松聲總是秋炯炯書牕連夜燭悠悠漁火隔

江舟誰家又把銀箏弄十二閑干月滿樓

晚眺

感時遙憶仲宣樓一事無成空白頭月缺月圓天似
舊潮生潮落水長流人生富貴無多日鐘送晨昏有
萬秋獨立溪橋望南北江山疊々古今愁

望虞山有感

南山佳景自依然幾度陰晴色更妍簾映水晶前澗
雨屏開翡翠後峯烟神翁井竭丹何在齊女墳荒草
正連勝事品題多感慨夕陽依舊下平原

和原上人喜雨

火雲作陣墨成堆
倏爾穹窿起迅雷
龍挾雨從山下
過馬嘶風向海邊來
沛然天地枯苗潤
樂矣疲農笑
口開一洗塵煩清
似水南樓快我且啣盃

春日苦雨

萬家烟柳雨兼風
辜負東君造化工
濕透梅腮傷白
玉潤滋苔髮布青
絨鶯花未發
陰森際簾幕深籠料
峭中九十光陰
春有限百花何日展愁容

春日暴風不止

東君何事逞嚴威
零落群芳總不宜
顛倒花枝紅上
下縱橫柳線綠
參差無恩澤
物將何用有興尋芳未
可期鶯蝶不聞香散盡
一年春色半成非

寄丁德卿

喜聞函丈樂桑榆
飽日優游得自如
新糯旋炊雙
酒鮮羹慣鱠四腮
魚菊籬晚步還扶杖
竹戶秋眠只
看書他日扁舟肯來此
西山更好卜幽居

和石屋山居韻

幽牕睡足三竿日
不聽人間唱晚鷄
香糯旋炊因釀

酒新蔬謾摘為煨蠶連籤帶套書盈案適興忘憂花
滿蹊簷外長松高百尺春來借與野禽棲

和納涼韻

炎：酷暑勢如焚為愛新涼坐綠陰秋水一泓平竹
簟清風兩腋洗煩襟日長消睡濃煎茗客至閒談且
罷琴林下不知三伏熱曉來清興自謳吟

秋興

極目江天秋正濃蓼花汀畔白蘋風一朝雨過青巒
秀萬里雲閒玉宇空鴈落新聲霜月白楓含晴色晚

霞紅老懷欲寫南樓興多在佳人錦瑟中

中秋不見月

八月正逢三五夜嫦娥何事掩粧臺羞將寶鑑懸空
照未許清光出海來閣筆吟翁情寂寞擎杯騷客意
徘徊何時趁得靈槎便直扣廣寒宮殿開

鴈

遠離朔漠到中州萬里悠：集侶儔帶月影沉湘水
夜叫雲聲斷楚天秋菰田米熟堪充飽蘆渚花深得
自由最是客邊愁絕處哀：飛過夕陽樓

秋夜客中

當年宋玉獨悲秋為客方知易白頭寂寞不成千里
夢淒涼應數五更籌搗殘明月誰家杵吹徹洞簫何
處樓更有寒蛩吟到曉耳邊那著許多愁

笛

截筒分竅作鸞鳴俄見柯亭竹有聲月夜喚回山館
夢霜天吹斷玉關情風飄律呂新腔滑曲度梅花越
調清莫向江城再三弄鮫人垂泣老龍驚

次漁家韻

烟波萬頃一孤舟到處無家得自由早起賣魚來市
上暮歸收網宿江頭只知沽酒同妻醉何暇經心為
世愁識破人間榮辱事杳無飛夢入歌樓

寄張知縣

故友相違二十年幾番勞我夢懸三璜溪潮水應如
舊後巷人家可似前冠帶早辭一駟祿聲名遙與二
疏賢何時細倒平生話秉燭連牀夜不眠

中秋懷友

去年此夕月當筵今夜月圓人不圓憶友自嗟千里

別論交多欠一生緣清光照我秋無際白髮催人節
易遷有客醉眠何處酒肯憐孤影對嬋娟

寄計蒙正

老棲山北草堂幽病起蕭蕭雪滿頭三載尚存蒸藥
竈一年不上讀書樓閑牕對月淒涼景小圃觀花冷
澹秋遙憶故人多感慨菊枝縱插共誰謳

送春

九十春光一夕歸上林芳事總成非池塘水暖魚苗
出簾幙風晴燕子飛醉裏情濃猶喚酒吟邊興淺不

留詩綠陰庭院鶯無語獨有空山叫子規

賀人遷居

獨構西村一草堂悠然榮辱兩相忘墻陰有地多栽
竹屋後無隣悉種桑春甕浮香新酒熟晴巒排翠好
山長朝來睡足三竿日形迹蕭蕭似老龐

又和前韻

結茅投老樂山鄉浮利虛名一旦忘遶圃遍分金盞
菊臨淵多植紫條桑謾斟綠醕塵情遠高卧清風午
夢長地僻不知城府事行藏無異鹿門龐

贈學稼翁陳宗信
不習工商不事官桑麻逸屋自盤桓田開百畝春前
耨秧稼三時雨後攤午甑有香炊玉粒夜牀無夢到
金鑿晚來閒訪漁樵處笑傲松林坐釣磻

又病中見寄

山牕獨守草堂幽病體淹三嘆白頭日治有方多藥
物夜眠無寐近更籌玉樓飲酒三年別金勒觀花一
旦休珍重故人慰岑寂新詩頓釋滿懷愁

又贈

不整書田獨羨農就田結屋樂年豐甑炊白雪秋粳
熟糟滴珍珠蠟醞濃時有閑情歌野調曉無驚夢聽
朝鐘南陽豈許留諸葛只恐徵書下

九重

寄林道會

衰年多病苦相侵短髮蕭三雪色深一步不離扶老
杖三餐須用剔平針漁竿樵斧忘榮辱越水吳山憶
古今塵事紛三良可嘆欲尋清士對鳴琴

遊山

拉友登高暫得閒春光遣興不知還共乘小轎十餘
里坐看青松無數山遠寺日明花燦燦高崖風拂水
潺湲酒闌人散歸來晚幾點昏鴉夕照間

春寒多雨

一天風雨作春愁邃閣生寒儼若秋隴上有田皆漲
水村前無港不通舟花空那見飛蝴蝶柳暗空聞叫
鶻鷓何事青陽行此令浴沂時節尚輕裘

新涼

半軒秋雨送微涼枕簟無塵夢寐長紅映晚山楓著

色翠侵書幌竹生香籬頭絡緯催閨織砌下莎雞惱
客腸浴罷披襟坐明月賡歌一曲賀新郎

次遊春

東風二月春如海水綠山青色正堪出谷鳥啼香徑
裏放舟人唱畫橋南少年得際逢時樂載酒何妨盡
日酣有約賓來須勝賞緩行花下莫停驂

登維摩寺

閒遊山寺不辭高石磴崎嶇僕馬勞數朶竒峯分路
曲一聲清磬出山坳菊擎曉色開金盞風入松陰響

翠濤方丈款留閒話久半輪新月上林梢
耕樂堂

春耕夏耨樂秋豐遠屋桑麻雨露濃舍後鑿池魚自
養籬邊種藥鶴常籠翻雲隴上妻來盍適興牀頭酒
不空幾度醉眠紅日曉那知馬背聽朝鐘

送主事金伯熙起復之京

解職奔憂歲月違茲晨眼闕上

京畿三盃行色辭琴水一鶚橫空向

玉墀閭里令名傳後輩廟廊清要待多時老子卧病

虞山麓不得城南折柳枝

挽繆伯偉作百詠詩行於世

別來何事總成空不復留題百詠中精魄儻歸人化
鶴仙魂無返杖成龍一壺春老花前月三徑秋荒菊
畔松此後音容何處覩為彈清淚落西風

和啓函上人見王達善梅花百詠韻

玉堂學士筆如神寫出西湖月下真憶昔暗香先得
意到今百詠更無人玲瓏素質長欺雪瀟灑冰肌不
染塵却笑東風紅與紫誰能先占百花春

約友遊山

早年風月已蹉跎晚景長嗟兩鬢皤欲得良朋追往事
共登佳處醉清歌杜門自覺芳情少出徑那堪病
日多莫負茲晨花下約籃輿同上碧山阿

送鈕公裕省親回監

奉

命歸來舉壽觴又携行李別吳邦膝邊甘旨離情遠
馬首關山去興長拜
闕擬承新雨露入官應振舊文章預期遷擢居

台輔早作甘霖洗八荒

贈四川布政司經歷陸仲敷奔憂歸

青年美譽冠群倫歷任西川已二春解職忽丁慈母
孝出身多沐

聖朝恩邊陲禮樂名聲著苦塊衰麻淚點新只恐奪
情

明詔下為移孝子作忠臣

寄陳克正

拙守山村不計年故人寥落總蕭然柴門未得緣君

掃塵榻多因為客懸自愧無才甘白髮喜聞有道擁
青氈買舟何日携琴訪一曲烏啼月滿天

送黃裳吉科舉

行李蕭蕭上九關此時文采動

天顏三場名冠人多許八月秋高桂自攀獻策擬沾
新雨露承

恩尤憶舊家山南沙老穉盈街市刮目相看畫錦還

陶行之菊軒

小幽軒畫不局黃花采遶簷楹清標不作繁華

態幽色甘陪隱逸情和藥曉分枝上露傾杯時摘雨
前英如今不用諸方劑病者聞香體自輕

贈李道會禱雨

蕭蕭白髮老仙翁道德精誠合上穹昔日祈晴嘗借
鶴今朝禱雨又鞭龍登壇隨步風雲起轉首分甘稼
穡豐四野淳然生意好黎民歡躍感神功

送客歸湖上

清風兩岸送行舟歸興匆匆不可留野渡蓴香秋入
夢舵樓山色晚侵眸衣冠自得烟霞趣畝畝渾無稼

稽憂更喜近來魚價賤不妨多買薦新筍
寄用潛上人

飛錫澄江近月餘征鴻歸盡杳無書
芭蕉葉展思新
獨蒼蘊花香憶舊廬君為有才隨處重我因多病故人踈
明朝正遇蘭盆會歸興應期早上輿

喜晴

曉來靈鵲噪庭槐日上闌干物候佳
百里雲開山有色五湖潮漲水無涯
可人幽鳥啼清晝即景新詩出
老懷策杖東風觀藥圃呼童分菊遶籬栽

七言絕句

聞絡緯

籬落涼生夜未分
縹風緯月為誰勤
幾番驚破江南
夢愁殺無家萬里人

寒食

寒食人家春正濃
緗簾晝永燕吟風
門前柳色含烟
綠溪上桃花映水紅

暮春

落盡殘紅綠滿枝
可憐春色不多時
等閒尚欲尋芳

去恠殺空山叫子規

感廢宅

短棹隨潮過遠沙
斷橋踈柳兩三家
長蒿深匝門前路
野菊無人秋自花

睡起

寂寥終日為春愁
綠樹南風竹外樓
午睡起來溪上步
扶筇閒看落花流

雨中落花

東風如箭雨如麻
總見開花又落花
流去亂紅春不

管誤教漁父覓仙家

溪橋晚步

連日陰昏思寂寥
偶因晴步過溪橋
不知門外春多少
柳上一聲婆餅焦

鳥名

雪景便面

孤舟冒雪泊長川
水冷無魚欲棄筌
誤却鈎簾凝望客
幾回錯認剡溪船

漁笛

罷釣歸來月正明
倚篷三弄海雲清
西風兩岸蘆花

渚驚起眠鷗過別汀
樵笛

息薪樹底夕陽紅
巧按宮商弄晚風
一曲未終山石裂
檐頭新月已朦朧
牧笛

破曉衝烟上草坡
數聲嘹唳出松蘿
夕陽遠徑歸來曉
扣角爭吹長短歌

東郊晚步

閑訪漁樵過小溪
煙村處草廬低
踈籬門巷多相

似綠樹殘陽亂鳥啼

又

偶傍田翁草舍過
鳥啼門巷綠陰多
老農不識人間事
只向桑林自結蓑

客過值雨

客邊無奈雨漫漫
喚酒澆愁量不寬
賴有小齋棋局在
不分勝負且盤桓

山林讀書圖

日令窮經坐小齋
山間誰識棟梁材
一朝闕下文星

見會看徵書馬上來

和鄭廉使贈林剛伯紙帳韻

雲凝斗帳白漫漶一榻無塵眼界寬
雪月四簷天似水道人熟睡不知寒

寄致仕林先生

解印歸來逸興濃我冠博帶任從容
消閒獨對黃花徑一首新詩酒數鐘

採菊

杖藜徐步過東籬分付叢菊蕊
知明日重陽當勝

賞花須開早莫令遲

竹林獨坐

數竿瀟灑一襟風獨坐從他兩鬢鬢
隔水紅花予不識行人傳說是烏糝

訪友

閑來訪舊踏春晴兩岸東風柳眼青
無數好山行不盡喚人啼鳥更多情

林提點携琴過訪

外史携琴訪故知愧予無德效鍾期
夜深一曲拘幽

操不似文王姜里時

竹林偶成

曉來一雨滌煩襟
自舉胡牀坐綠陰
隔岸稻花香噴
雪隨風飛到竹林深

讀書燈

短、韓檠二尺餘
通宵隨分伴詩書
此生却笑清貧
客映雪囊螢用志殊

問菊

知君曾不負秋芳
何事包金未吐香
若是白衣人未

至也須賒酒過重陽

贈道士

儒冠脫却戴黃冠
蹟遠紅塵氣宇寬
金馬玉堂難入
夢青松白鶴任盤桓

和計蒙正

雨餘庭院日初長
白苧風輕襲嫩涼
偏稱讀書牕下
客沉、清晝木香香

和計元虧韻

白首何曾識翰林
茅茨拙守已年深
何時得造幃屏

下洗耳來聽醉後吟

秋日喜晴

一天如洗碧無痕無限秋光滿海門詩思盪胞推不
去橫拖藜杖過前村

又

曉來極目倚晴樓點檢江山事幽最喜吟邊清絕
處鴈行寫出楚天秋

送原上人之蘇州

柳橋分手獨登舟水色山光入舵樓後夜姑蘇城下

泊踈鐘漁火兩悠

懷用潛上人

桃李東風爛熳開開軒不見故人來春江酒熟畦蔬
嫩日思君共此醅

檜屏

亭雙檜植前楹屈榦蟠枝巧作屏雪後幸留孤竹
伴歲寒時節共青

讀書圖

灑落塵情宦業踈却來林下結幽居一生不識長安

道日、鈞簾只看書來林下語幽出一主不端身也

讀書圖

竹居詩集卷終

題竹居詩集後

右竹居詩集一卷凡選律絕句若干首乃廷珪王

宣先生之所作也先生生於元季家世儒業博洽群

書於爵祿華靡掉首不顧奮然食力於畝畝間所

得餘資即周貧賻死不以財利累其心早有幹蠱

主器能廣大其規凡公私事先生悉付與之自以

簋輿桂棹茶竈筆牀優游於山澤間性愛吟咏每

得佳作輒為好事者取去藁多不存今得者家藏

之什一也永樂宣德間余典教其塾嗣子世竹叟

命余繕寫成帙復恐散失遺亡遂鋟諸梓以藏祠
室用垂不朽焉嗚呼先生之作富麗清竒如春風
秋月起人景仰非泛泛者所能及也余生也晚不
得侍於講教之餘今觀先生之作見先生之志足
以使人興起而有以進於高明遠大矣敬書其後
而歸之時

宣德二年龍集丁未蕤賓月蒲節日海虞後學徐謙
以恭書

嗚呼是編乃

六世祖竹居公所著也舊板散失

先君水部公慨後無傳求大宗伯李先生
序文將重刻弗果而歿嗚呼痛哉 卞生
不肖凡於

祖宗所志所事不敢不勉謹命工鋟梓用
成

先君之志因以識歲月詔子孫保諸永久

云

